

rum altera converget & aream dabit approximando, præterquam ubi r (propter aream infinitam) vel nihil est vel numerus integer & negativus, vel ubi z æqualis est unitati. Si z minor est unitate, converget series in qua index „ affirmativus est: fin z unitate major est, converget series altera. In uno casu area adjacet abscissæ ad usq; ordinatam ductæ, in altero adjacet abscissæ ultra ordinatam productæ.

Nota insuper quod si Ordinata contentum est sub factore rationali Q & factore furdo irreducibili R^π , & factoris furdi latus R non dividit factorem rationalem Q ; erit $\lambda-1=\pi$ & $R^{\lambda-1}=R^\pi$. Sin factoris furdi latus R dividit factorem rationalem semel, erit $\lambda-1=\pi+1$ & $R^{\lambda-1}=R^{\pi+1}$: si dividit bis, erit $\lambda-1=\pi+2$ & $R^{\lambda-1}=R^{\pi+2}$: si ter, erit $\lambda-1=\pi+3$, & $R^{\lambda-1}=R^{\pi+3}$: & sic deinceps.

Si Ordinata est fractio rationalis irreducibilis cum Denominatore ex duobus vel pluribus terminis composito: resolvendus est denominator in divisores suos omnes primos. Et si divisor sit aliquis cui nullus alius est æqualis, Curva quadrari nequit: Sin duo vel plures sint divisores æquales, rejiciendus est eorum unus, & si adhuc alii duo vel plures sint sibi mutuo æquales & prioribus inæquales, rejiciendus est etiam eorum unus, & sic in aliis omnibus æqualibus si adhuc plures sint: deinde divisor qui relinquitur vel contentum sub divisoribus omnibus qui relinquuntur, si plures sunt, ponendum est pro R , & ejus quadrati reciprocum R^{-2} pro $R^{\lambda-1}$, præterquam ubi contentum illud est quadratum vel cubus vel quadrato quadratum, &c. quo casu ejus latus ponenda

ponendum est pro R & potestatis index 2 vel 3 vel 4 negative sumptus pro λ . & Ordinata ad denominatorem R^2 vel R^3 vel R^4 vel R^5 &c. reducenda.

Ut si ordinata sit $\frac{z^5+z^4-8z^3}{z^5+z^4-5z^3-2z^2+8z-4}$; quoniam hæc fractio irreducibilis est & denominatoris divisores sunt pares, nempe $z-1$, $z-1$, $z-1$ & $z+2$, $z+2$, rejicio magnitudinis utriusque divisorem unum & reliquorum $z-1$, $z-1$, $z+2$ contentum z^3-3z+2 pono pro R & ejus quadrati reciprocum $\frac{1}{R^2}$ seu R^{-2} pro $R^{\lambda-1}$. Dein Ordinatum ad denominatorem R^2 seu $R^{\lambda-1}$ reduco, & fit $\frac{z^6-9z^4+8z^3}{z^3-3z+2}$, id est $z^3 \times 8 - 9z + z^3 \times 2 - 3z + z^3$ quad. Et inde est $a=8$. $b=-9$. $c=0$. $d=-1$, &c. $e=2$. $f=-3$. $g=0$. $h=1$. $\lambda-1=-2$. $\lambda=-1$. „=1. $\theta-1=3$. $\theta=4=r$. $s=3$. $t=2$. $v=1$. Et his in serie scriptis prodit area $\frac{z^4}{z^3-3z+2}$, terminis omnibus in tota serie post primum evanescentibus.

Si deniq; Ordinata est fractio irreducibilis & ejus denominator contentum est sub factore rationali Q & factore furdo irreducibili R^π , inveniendi sunt lateris R divisores omnes primi, & rejiciendus est divisor unus magnitudinis cujusq; & per divisores qui restant, si qui sint, multiplicandus est factor rationalis Q : & si factum æquale est lateri R vel lateris illius potestati alicui cujus index est numerus integer, esto index ille m , & erit $\lambda-1=-\pi-m$, & $R^{\lambda-1}=R^{-\pi-m}$. Ut si Ordinata sit $\frac{3q^3-q+x+9q^2xx-qqx^3-6qx^4}{qq-xx\sqrt{\text{cub. } q^3+qqx-qqx-x^3}}$, quoniam